



# Defnyddwyr a Grwpiau

Gallwch osod rhestrau o ddefnyddwyr ar y ddisg mewn grwpiau. Trwy greu a dewis grŵp o'r rhestr ddisgynnol bydd yn sicrhau fod rhaid i ddefnyddwyr fewngofnodi gan ddewis eu enw o'r rhestr a welir ar y dudalen.

Er enghraifft, dyma ddau grŵp:

- Dosbarth 1
  - Alan
  - Elizabeth
  - George
- Dosbarth 2
  - Caroline
  - David
  - Sarah
  - Tom

Bydd dewis 'Dosbarth 1' o'r rhestr ddisgynnol **Grŵp Defnyddwyr** ar y dudalen **Dewisiadau** a wedyn clicio ar **Diweddaru**, yn sicrhau y bydd yn rhaid i ddefnyddiwr ddewis o'r enwau 'Alan', 'Elizabeth' neu 'George' cyn y bydd yn gallu mynd ymhellach i weithgareddau'r ddisg.

Gellir ymweld a'r dudalen Defnyddwyr trwy glicio ar y botwm **Defnyddwyr** ar y dudalen **Dewisiadau**. Gweler yr adran benodol ar **Dudalen y Defnyddwyr** isod am ragor o gymorth gyda sefydlu grwpiau a defnyddwyr.

Bydd troi'r nodwedd mewngofnodi ymlaen (trwy ddewis grŵp o'r rhestr **Grŵp Defnyddwyr**) yn galluogi dwy nodwedd arbennig arall sef:

## Amserydd

Os ydych wedi penodi rhif yn y golofn **Hyd y Sesiwn** (ar y dudalen **Dewisiadau**), bydd amserydd yn dechrau bob tro y bydd defnyddiwr yn mewngofnodi, bydd hefyd yn dangos neges 'Mae dy amser ar ben!' pan mae'r amser a nodwyd gennych wedi dod i ben. Yna bydd angen i ddefnyddiwr arall fewngofnodi er mwyn parhau i ddefnyddio'r ddisg.

## Adroddiad Gweithgareddau

Unwaith mae defnyddiwr wedi mewngofnodi, bydd y rhaglen yn cadw cofnod o'r gweithgareddau a ddefnyddir ganddo. Gallwch ddarllen ac argraffu'r adroddiad gweithgareddau trwy ddefnyddio'r botwm **Dangos Adroddiad** ar y dudalen **Defnyddwyr** – gweler isod.

## Y Dudalen Defnyddwyr

### Creu grŵp newydd

Cliciwch ar y botwm Ychwanegu i'r dde o'r rhestr Grwpiau ddisgynnol. Teipiwch enw newydd yn y blwch deialog sy'n ymddangos ac yna cliciwch **Iawn** i'w gadarnhau. Bydd y grŵp newydd yn ymddangos yn y rhestr ddisgynnol.

## Ailenwi grŵp

Dewisiwch y grŵp yr hoffech ei ailenwi o'r rhestr **Grwpiau** ddisgynnol, wedyn cliciwch ar y botwm **Ailenwi** sydd i'r dde o'r rhestr. Golygwch enw'r grŵp yn y blwch deialog sy'n ymddangos ac yna cliciwch **Iawn** i'w gadarnhau.

## Dileu grŵp

Dewisiwch y grŵp yr hoffech ei ddileu o'r rhestr Grwpiau ddisgynnol, yna cliciwch ar y botwm **Dileu** sydd i'r dde o'r rhestr. Cliciwch ar **Iawn** i gadarnhau.

*Nodwch:* bydd yr holl ddefnyddwyr sydd yn y grŵp yn cael eu dileu yn gyfangwbl o'r system hefyd.

## Ychwanegu defnyddiwr newydd i grŵp

Dewisiwch y grŵp cywir yn y rhestr **Grwpiau** ddisgynnol, yna cliciwch ar y botwm **Ychwanegu** sydd i'r dde o'r rhestr **Defnyddwyr**. Teipiwch enw'r defnyddiwr newydd yn y blwch deialog sy'n ymddangos, ac yn cliciwch **Iawn** i'w gadarnhau. Bydd eich defnyddiwr newydd yn cael ei ychwanegu i'r rhestr **Defnyddwyr** a'i ddewis.

## Ailenwi defnyddiwr

Dewisiwch enw'r defnyddiwr yn y rhestr **Defnyddwyr**, yna cliciwch ar y botwm **Ailenwi** sydd i'r dde o'r rhestr. Bydd blwch dialog yn ymddangos ac yn gofyn i chi olygu'r enw. Unwaith rydych chi'n hapus gyda'r enw newydd cliciwch ar **Iawn** i'w gadarnhau.

## Dileu defnyddiwr

Dewisiwch enw'r defnyddiwr yn y rhestr **Defnyddwyr**, yna cliciwch ar y botwm **Dileu** sydd i'r dde o'r rhestr. Cliciwch **Iawn** i gadarnhau eich bod am ei ddileu.

## Dewis llun i gyd-fynd a defnyddiwr

Gellir dewis llun i gyd-fynd a phob enw defnyddiwr, er mwyn i ddefnyddwyr weld llun gyda'u henw ar y sgrin mewngofnodi.

I wneud hyn, dewiswch yr enw cywir o'r rhestr **Defnyddwyr**, ac yna defnyddiwch y sgroliwr ar ymyl y blwch sydd i'r dde o'r rhestr **Defnyddwyr** i ddewis delwedd ar gyfer y defnyddiwr, yna cliciwch ar y ddelwedd briodol.

## Rhannu Grwpiau a Defnyddwyr

Bydd disgiau diweddaraf B-DAG i gyd yn rhannu'r un rhestrau defnyddwyr a grwpiau rhyngddynt. Felly, os oes gennych fwy nag un o ddisgiau B-DAG wedi'i gosod ar eich cyfrifiadur, dim ond unwaith y bydd rhaid i chi sefydlu grwpiau a enwau; bydd yr enwau (a'r delweddau sy'n cyd-fynd a hwy) yn ymddangos ar yr holl ddisgiau. Serch hynny, bydd adroddiadau gweithgaredd yn cael eu cadw ar wahan a gallwch reoli pa grwp defnyddwyr i'w dewis (ar gyfer mewngofnodi) ar bob disg yn annibynnol.

## Darllen ac Argraffu Adroddiadau Gweithgareddau

Gallwch arddangos adroddiad gweithgareddau ar gyfer yr holl grwpiau neu ar gyfer grŵp penodol, trwy ddewis grŵp o'r rhestr **Grwpiau** ddisgynnol o dan **Adroddiadau**, yna cliciwch ar y botwm **Dangos Adroddiad**.

**Nodyn – fe all hyn gymryd peth amser, gan fod y rhaglen yn lansio eich porwr i weld yr adroddiad. Bydd angen aros am gyfnod byr cyn i'ch porwr ymddangos.**

Unwaith mae'r porwr wedi ymddangos, gallwch fynd yn ôl at gynnwys y ddisg trwy glicio ar ei enw yn y bar ar waleod y sgrin, neu trwy gylchdroi drwy'r rhaglenni sy'n agored ar eich peiriant trwy ddefnyddio'r botymau ALT+TAB.

Os ydych chi'n rhedeg y rhaglen ar sgrin lawn (gweler esboniad ar y dudalen **Dewisiadau** uchod) efallai y gwelwch eich sgrin yn lleihau tra rydych yn edrych ar yr adroddiad; mae hyn yn hollol naturiol. Pan fyddwch yn dychwelyd i'r rhaglen bydd yn dychwelyd i'r sgrin lawn yn awtomatig.

I argraffu'r adroddiad, defnyddiwch y ffordd arferol o argraffu o'ch porwr (gellir dod o hyd i'r botwm argraffu gan amlaf yn newislen **File**).

## Darllen Adroddiad Gweithgareddau

Dyma enghraifft o adroddiad gweithgareddau ar gyfer defnyddiwr.

Amser	Gweithgaredd Lliwio			Gweithgaredd Darllen			Gweithgaredd Ysgrifennu		
	H	C	A	H	C	A	H	C	A
19/07/05 11:51:28	2/2			0/1		0/1	1/1		
21/07/05 10:12:04		3/4		3/3	1/3		1/1		

Dyma'r hyn a nodir ynddo:

- Yn y sesiwn a ddechreuodd ar y 19/07/05 am 11:51, fe chwaraeodd y defnyddiwr y canlynol:
  - Lefel Hawdd y Weithgaredd Lliwio ddwywaith a fe'i gwblhawyd yn llwyddiannus ddwywaith.
  - Lefel Hawdd y Weithgaredd Ddarllen unwaith, ond heb ei gwblhau.
  - Lefel Anodd y Weithgaredd Ddarllen unwaith, ond heb ei gwblhau.
  - Lefel Hawdd y Weithgaredd Ysgrifennu unwaith ac fe'i gwblhawyd yn llwyddiannus.
- Yn y sesiwn a ddechreuodd ar y 21/07/05 am 10:12, fe chwaraeodd y defnyddiwr y canlynol:
  - Lefel Ganolig y Weithgaredd Lliwio bedair gwaith, a'i gwblhau'n llwyddiannus dair gwaith.
  - Lefel Hawdd y Weithgaredd Ddarllen dair gwaith, a'i gwblhau'n llwyddiannus dair gwaith.
  - Lefel Ganolig y Weithgaredd Ddarllen dair gwaith, ond dim ond unwaith y'i cwblhawyd yn llwyddiannus.
  - Lefel Hawdd y Weithgaredd Ysgrifennu unwaith a'i gwblhau'n llwyddiannus.